

SAO A PAGPANPANUNOTAN:

“Kaspagarigan datayo dagidi Hudio, maikalintegantayo kadi ni Jesus ti sangoanan dagiti Sanhedrin idi inakusaranda nga agbasbassaoang; no datayo dagidi Gentil, maisalakantayo kadi Isuna iti panangkonendar dagiti Romano ti pannaakaitay; no datayo dagidi disipolos, nagtalinaedatayo kadi ti sibayna kadagidi sangaoana dagiti tattao a mangipukpukaw ti pannaakailansana; wenno kaslatayo ken Pedro – a simmurot Kenkuana ket impategna, ket kalpasanna, inlibakna ti maikatlo a beses?”

PRELUDIO KEN PROSESIONAL: (Agpasango dagiti agakem ken masindian dagiti candela ti altar)

KABLAAW KEN DAMDAMAG DAKASEKNAN TI IGLESIA:

INTROIT: “We have Come Into God’s House”

*We have come into God’s house
And gathered in his name to worship Him. (3x)
Worship Him, Jesus Christ the Lord.
So forget, about yourself
And concentrate on Him and worship Him. (3x)
Worship Him, Jesus Christ the Lord.*

****AYAB TI PANAGDAYAW:**

Pangulo: Umaykayo! Dayawentayo ti Dios, Isu a Namarsua kadatayo, Isu a nangisagut kadatayo ti biag ken waya-waya ket saanto pulos a mapukaw ti panagayatna.

Gimong: Iruknoymi ti panagdayaw kenka, O Dios.

Pangulo: Umaykayo! Dayawentayo ti naindaklan a salakan ti Dios kadatayo babaen kenni Jesu Cristo. Ta gapu ken Jesus naikkantay ti kalintegangan nga agbalin nga Iglesiasiana a mangituloy ti misionna ditoy daga.

Gimong: Agyamankami, O Jesu Cristo ti panangisurom tapno tumoladkami Kenka a mangisayangkat ti mission para ti kappia ken talna..

Pangulo: Danggayandak a mangitan-ok iti Apo. Wen, agmaymaysatayo a mangidaydayaw iti naganna!

Amin: Immawagak iti Apo ket sinungbatannak, pinukawna dagiti amin a pagbutngak.

****INBOKASION:**

****HIMNO TI PANAGDAYAW: “Dayawen, Kantaantayo Ti Dios”
(Magpuri sa Dios #10 HFJ)**

*Dayawen, kantaantayo ti Dios, adu a bendision intedna
Dayawen, kantaantayo ti Dios, kadagiti bendision na*

Coro: *Gracia’t Dios a di matukod, rabbi ken aldaw agayus;
Dayawen, kantaan, Dios nga agnanayon;
Dayawen tay ti Apo.*

*Dayawen, kantaantayo ti Dios, ken Cristo sagut kadatay’;
Dayawen, kantaantayo ti Dios, isu’t sibibiag a Sao. (coro)*

*Dayawen, kantaantayo ti Dios, sagut ken dayaw intay itden;
Dayawen, kantaantayo ti Dios, bendisyon a di aggibus. (coro)*

KARARAG TI PANAGBABAWI:

Amin: Apomi a Jesu Cristo, makikaadaka kadi kadagiti biagmi. Imulam kadi dayta ayat mo kadagiti puspusomi. Makita koma kadagiti amin a paset ti bagimi a naragsak kami gapu ti ayat mo. Ket, pakawanennakami, O Apo, ta no dadduma agbuteng kami a mangisawang ti pudno. Pakawanennakami ti panangipangpangrunami a suroten ti linteg ti tao ngem ti mangitandudo iti hustisia ken waya-waya. Pakawanennakami, O Apo, ket sur-oannakami nga agbalbaliw ken agbiag babaen ti kinalintegmo. Tapno inton ummongennakami dita ayan mo, ragsak ti inkami maragpat. Iti nagan ni Apomi nga Jesu Cristo a managayat ken manangnga-asi. Amen.

Kanta Ti Panagbabawi: “Kenka Agtalekak”

*Kenka agtalekak, Mannubbot naayat; Ispalennak,
Denggem un-unnoyko, ugasam toy puso;*

Tagikuaem Apo daytoy biagkp.

*Nakapuy a puso, papigsaem Apo; paraburmo,
Kas ipapatay mo, gaput’ basbasolko;
Kasta’t panangtedko toy ayatko.*

*No sipngget ken liday, lawlawenda toy biag; idalannak,
Ti sipngget pukawem, lidaykot’ punasem;
Diakton maisina dita dennam.*

(kanito a panagulimekt ti bukodtayo a panagkararag)

PAMMATALGED TI PAMMAKAWAN TI DIOS:

PANNAKAYALLATIW TI KAPPIA: *(lyallatiw tayo ti kappia ken talna babaen iti panangkanta ti O, I Love You...)*

KARARAG PASTORAL:

DAGITI SASAO TI APO:

****Manipud iti Nasantuan a Surat**
Sungbat: *“Ti sasao a naragsak, Sao a mamabiag” (2x)*

Babaen iti Mensahe ti Kanta

Pannakailawlawag ti Sao

PANANGIDATON TI BIAG KEN PAGYAMAN:

Pangulo: **Mateo 6:19-21**
(panagited cadagiti pagyaman ken sagsagut)

KANTA TI PANANGIDATON: “Agyamanak Kenka”
*Agyamanak kenka, Mannubbot ken Diosko
Siak ket inayat mo, salakan intedmo*

Coro: *Ti la maidatonko kenka Mannubbotko,
ti amin a biagko, kararua ken pusok
Ta saan nag umdas ti ar-aramidko,
balitok ken pirak, sanikua nga adu
Ti laeng dawatek ket awatem koma
bassit a datonko, aramatem, O Ama
Ta awanen sabali a pangsubalitko,
dakkal nga ayatmo*

Saanko maawatan, apay nga inayatnak
Tao a kas kaniak, awan pakaikariak

****DOKSOLOHIYA**

****KARARAG TI PANANGIDATON:**

****HIMNO A PANAGSERVI: "Sinonto ti Agtulnog ken Jesus"**

*Sinonto ti agtulnog ken Jesus,
A mangiwarnac ti damagna?
Sinonto ti mangipacaammo
Ti naindaclan nga ayatna?*

*Coro: Dacam ti mapan agtulnogcami,
Ken Jesus, Apomi ken Ari,
Dacam ti mapan agtulnogcami
Ket icantami ti balligi.*

*Sinonto ti ibaon ni Jesus? Adut' masapulna a mangged.
Ta nupay ti talon napudawen ti agani isudat' bassit.
(coro)*

*Sinonto ti agservi ken Jesus a mangidaton iti biagna?
Ti biagtayo saantay a cucua ta nagatang ti darana.
(coro)*

****KARARAG TI PANAGSERVI KEN PANAGTALEK:**

PAMENDISION:

Sungbat: (makanta)

*May the Lord bless and keep you (2x)
May his countenance shine upon you
And grant you peace...amen!*

POSTLUDIO:

"Enter to rejoice, depart to serve"

Church Bulletin

Note:

Mabalin nga ikabiltayo dagiti padamag, programa ken dadduma pay ditoy a paset ti liturgia. Kasta met nga agbalin laeng a pagtuladan wenno surotentayo daytoy a liturgia tapno mabalintayo a sukatan dagiti kankanta ken nayonan dadduma a pasetna.

UNITED CHURCH OF CHRIST IN THE
PHILIPPINES
North Luzon Jurisdiction

July 16, 2017

6th Sunday after Pentecost



